

Քննարկվել և հավանության է արժանացել
ՀՀ ԿԳՄՍՆ «Չարենցավանի պետական քոլեջ» ՊՈԱԿ-ի
մանկավարժական խորհրդի
«31» 08 2022 թ. № 2 նիստում

Հաստատվել է՝

ՀՀ ԿԳՄՍՆ «Չարենցավանի պետական քոլեջ» ՊՈԱԿ-ի
Կոլեգիալ կառավարման խորհրդի «31» 08 2022 թ.
№ 2-22 նիստում, խորհրդի նախագահ  Ա. Դավիդյան
/ստորագրություն/



**ՀՀ ԿԳՄՍՆ «ՉԱՐԵՆՑԱՎԱՆԻ ՊԵՏԱԿԱՆ ՔՈԼԵՋ» ՊՈԱԿ-Ի
ՈՐԱԿԻ ԱՊԱՀՈՎՄԱՆ ՔԱՂԱՔԱԿԱՆՈՒԹՅՈՒՆ**

1. ԸՆԴՀԱՆՈՒՐ ԴՐՈՒՅԹՆԵՐ

1.1. <<Չարենցավանի պետական քոլեջ>> ՊՈԱԿ-ի (այսուհետ՝ Քոլեջ) որակի ապահովման քաղաքականության նպատակն է սահմանել քոլեջի որակի ապահովման գործընթացներն ուղղորդող հիմնարար կանոնների ամբողջությունը:

1.2. Որակի ապահովման քաղաքականությունը տարածվում է քոլեջի գործունեության այն բոլոր ասպեկտների և կառուցվածքային բոլոր ստորաբաժանումների վրա, որոնք ազդում են կրթական ծրագրերի չափորոշիչների պահպանման և որակի ապահովման վրա:

2. ՈՐԱԿԻ ԱՊԱՅՈՎՄԱՆ ԶԱՂԱՔԱԿԱՆՈՒԹՅՈՒՆ

Քոլեջում որակի ապահովման քաղաքականությունը ներառում է.

- 2.1. քոլեջի ռազմավարության հետևողական իրականացում,
- 2.2. որակի ապահովման համակարգի արդյունավետ գործունեության ապահովում,
- 2.3. որակի ապահովման գործընթացներում ներքին և արտաքին շահակիցների առավելագույն ներգրավվածության, կարիքների ու պահանջների բացահայտման արդյունավետ մեխանիզմների ներդրում,
- 2.4. որոշումների կայացման ընթացքում ներքին և արտաքին շահառուների առավելագույն ներգրավվածություն և հետադարձ կապի ապահովման հնարավորության առկայություն,
- 2.5. տեղեկատվության հավաքագրման ու վերլուծության իրականացում,
- 2.6. արդի շուկայական պահանջներին համապատասխան կրթական ծրագրերի բարելավման ապահովում, կրթական ծրագրերի մշտադիտարկման և գնահատման գործընթացների կարևորում,
- 2.7. ժամանակակից հարափոփոխ միջավայրում գործելու ունակ մասնագետներ պատրաստելու համար բարենպաստ պայմանների ստեղծում,
- 2.8. քոլեջի աշխատակազմի վերապատրաստման ապահովում, մասնագիտական որակների շարունակական բարձրացում,
- 2.9. իրականացվող կրթական ծառայություններից ուսումնառողների և այլ շահակիցների բավարարվածության բացահայտում,
- 2.10. կարիքների և պահանջների բացահայտման համար կիրառվող մեխանիզմների անընդհատ բարելավում,
- 2.11. համագործակցային, հաշվետվողական, թափանցիկ, թիմային միջավայրի ապահովում,

- 2.12. քոլեջի զարգացման ծրագրին, ռազմավարական նպատակներին, ծրագրերին, ՀՀ ՈԱԱԿ-ի չափանիշներին և ուղենիշներին համապատասխան որակի կառավարման ներդրված համակարգի անընդհատ բարելավում,
- 2.13. քոլեջի կողմից իրականացվող կրթական գործունեության վերաբերյալ ներքին և արտաքին շահակիցներին տեղեկատվության հասանելիության ապահովում:

3. ՈՐԱԿԻ ԱՊԱՅՈՎՄԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

Քոլեջում որակի ապահովման նպատակներն են՝

- 3.1. քոլեջում որակի մշակույթի ձևավորումը և որակի ներքին ապահովման մեխանիզմների ներդրումն ու գործադրումը.
- 3.2. կրթական գործընթացների որակի ապահովման և շարունակական բարելավման աշխատանքներին աջակցելը.
- 3.3. ինստիտուցիոնալ հավատարմագրման գործընթացների համակարգումը.
- 3.4. որակի ապահովման ոլորտում քոլեջի զարգացման ծրագրից բխող խնդիրների լուծման կազմակերպումը:

Քոլեջում որակի ապահովման խնդիրներն են՝

- 3.5. նպաստել որակի շարունակական բարելավման մշակույթի հաստատմանը և հետագա զարգացմանը քոլեջում.
- 3.6. ապահովել քոլեջում կրթության որակի մշակույթի ձևավորման համար անհրաժեշտ փաստաթղթային հենք.
- 3.7. ապահովել որակի ապահովման գործընթացներում ուսանողների, շրջանավարտների, դասախոսների և հիմնական գործատուների ընդգրկվածությունը.
- 3.8. կրթական միջավայրի և կրթության որակի բարելավման նպատակով մշակել ուսանողների և դասավանդողների՝ կրթական ծրագրերից բավարարվածության և կրթական կարիքների ուսումնասիրման ընթացակարգեր և գործիքակազմ, իրականացնել ստացած կրթությունից գոհունակության, դիտարկումների ու առաջարկությունների բացահայտում, կարիքների վերհանում.
- 3.9. մշակել արտաքին շահակիցների պահանջները բացահայտող գործիքակազմ, բացահայտել շրջանավարտների որակի վերաբերյալ գործատուների ցանկություններն ու պահանջները.

- 3.10. համակարգել և վերլուծել ներքին և արտաքին շահակիցներից ստացված արձագանքները.
- 3.11. համագործակցել Հայաստանի այլ մասնագիտական ուսումնական հաստատությունների նմանօրինակ ստորաբաժանումների հետ, իրականացնել փորձի փոխանակում.
- 3.12. ապահովել քոլեջի ինստիտուցիոնալ հավատարմագրման գործընթացի արդյունավետությունը, համագործակցել ՀՀ «Մասնագիտական կրթության որակի ապահովման ազգային կենտրոն» հիմնադրամի հետ:

4. ՈՐԱԿԻ ԱՊԱՅՈՎՄԱՆ ԶԱՂԱԶԱԿԱՆՈՒԹՅԱՆ ՍԿԶԲՈՒՆՔՆԵՐԸ

Քոլեջը որակի ապահովման գործընթացներում առաջնորդվում է հետևյալ սկզբունքներով՝

- 4.1. Քոլեջի ղեկավարությունը, դասախոսական և վարչական կազմը պարտավորվում են իրականացնել որակյալ կրթական ծրագրեր՝ ուղղված շահառուների կարիքների և պահանջների բավարարմանը: Այս նպատակով քոլեջը ապահովում է որոշումների կայացման ընթացքում ներքին և արտաքին շահառուների ներգրավվածություն, ինչպես նաև ստեղծում կարիքների և պահանջների բացահայտման արդյունավետ մեխանիզմներ: Քոլեջի ղեկավարությունը տարածում է թիմային աշխատանքի, լավագույն արդյունքի ձգտման, կարգապահության և ծառայությունների շարունակական բարելավմանը միտված մշակույթ՝ հաշվետվողական, թափանցիկ, մասնակցողական կառավարման միջոցով:
- 4.2. Քոլեջում որակի ապահովման համակարգը և գործընթացները պետք է ուղղված լինեն նախնական (արհեստագործական) և միջին մասնագիտական կրթության բնագավառում ուսումնական գործընթացների կազմակերպման, դրանց բովանդակության, ուսանողներին տրամադրվող կրթական ծառայությունների և կառավարման համակարգի թերությունների բացահայտմանը, շտկմանը, դրանց որակի բարելավման խթանմանը:
- 4.3. Որակի ապահովման խնդիրները պետք է ձևակերպված լինեն հստակ և բխեն որակի ապահովման գործընթացում քոլեջի նպատակներից:
- 4.4. Քոլեջում որակի ապահովման գործընթացները պետք է հասանելի լինեն քոլեջի կառուցվածքային բոլոր օղակների շահագրգիռ ներկայացուցիչների դիտարկմանը, ուսումնասիրմանը և հետադարձ կապի ապահովմանը:

- 4.5. Զուլեջում պետք է կատարվեն ուսումնասիրություններ, որոնց հիման վրա կատարվի վերլուծություն քուլեջում ուսումնական գործընթացի արդյունավետության և կրթական միջավայրի մասին:
- 4.6. Վերլուծությունները պետք է մատնանշեն քուլեջի ուժեղ և թույլ կողմերը, թերությունները տարբեր մակարդակներում՝ շարունակական բարելավում ապահովելու համար:
- 4.7. Պետք է ապահովել բարենպաստ միջավայր, որտեղ ուսանողները, դասախոսական և վարչական կազմը իրենց մասնագիտական տիրույթում մասնակցեն որակի ապահովման գործընթացներին և տրամադրեն կարծիքներ ու առաջարկություններ որակի ներքին ապահովման գործընթացների բարելավման նպատակով:
- 4.8. Պետք է ապահովել քուլեջի կառուցվածքային ստորաբաժանումների միջև մշտական կապի պահպանումը, յուրաքանչյուրի վրա դրված աշխատանքային պարտականությունների պատշաճ կատարման հարցերում համագործակցային և աջակցող մոտեցումը, ինչը կծառայի որակի ապահովման գործընթացների անխոչընդոտ իրագործմանը և համակարգի բարելավմանը: